

## A Pablo ug Roma.

### ❖ Sulat ni Pablo ngadto mga taga-Roma.

- Gipadala ni Pablo ang halad nga gihisgotan diha sa Roma 15:25-26 ngadto sa Jerusalem human sa iyang ikatulong misyonerong pagbyahe. Kana nagsugyot nga ang sulat ni Pablo ngadto sa mga taga-Roma gisulat atol sa unang mga bulan sa tuig AD 58 atol sa iyang pagpuyo sa Corinto.
- Nadunggan ni Pablo ang taho mahitungod sa apostasiya sa mga taga-Galatia nga nanagsagop sa kaluwasan pinaagi sa binuhatan, nan siya nagsulat kanila og masakit nga sulat. Buot usab niya pasidan-an ang Roma aron sila makalikay niana nga kasaypanan.

### ❖ Ang tinguha ni Pablo sa pagduaw sa Roma.

- Matud pa sa Roma 15, nganong dili makaduaw si Pablo sa Roma dihadhi niadtong panahona?
  - (1) Buot siya magsabwag sa Evangelio diin wala pay mga simbahan nga natukod (b. 20-22).
  - (2) Kinahanglan siya magpadalag pipila ka mga halad gikan sa Macedonia ug Achaia ngadto sa Jerusalem (b. 15:25-28).
- Unya nagplano si Pablo sa pag-adto sa Espanya ug moduaw sa Roma sa iyang dalan paingon didto (b. 28).
- Naglaum siya mahimo siyang usa ka panalangin alang sa mga taga-Roma, ug nagdahum siya kanila sa pagtabang kaniya sa iyang buhat sa Espanya (b. 24). Niana nga paagi ang mga taga-Roma makapanalangin usab sa uban.

### ❖ Pablo sa Roma.

- Gidakop siya samtang nagaduaw sa Templo. Gipasuminglan siya nga nagadalag mga Gentil ngadto hawanan.
- Si Pablo gibalhin ngadto sa Cesarea ug siya nagpabilin gawas sa peligro didto sulod sa duha ka tuig. Unya siya gibalhin ngadto sa Roma tungod kay siya miapelar kang Cesar.
- Didto gawasnon siya makawali ngadto sa mga Judio ug mga Gentil (Buhat 28:11-31).

## B Ang Iglesia sa Roma.

### ❖ Gitawag nga mahimong mga balaan. Roma 1:7.

- Ang panimbaya ni Pablo diha sa Roma 1 gisulat ngadto sa mga magtutuo didto sa Roma, apan pwede usab kini maaplikar kanato. Si Pablo nag-ingon kita mga:
  - (1) Hiniguqma sa Dios. Sa pinasahi ang Dios nahigugma niadtong motubag sa Iyang gugma.
  - (2) Gitawaq nga mamahimong mga balaan. Kita gilahi gikan sa kalibutan ug gikonsegrar ngadto sa Dios tungod kay gidawat nato si Cristo ug kita gipangbautismohan.
- Ang Dios nahigugma sa matag usa ug nagpili sa matag usa nga mamaluwas. Bisan pa niana, kadto lamang magdawat sa kaluwasan ang modawat niini (Efeso 1:4; Hebreohanon 2:9; 2 Pedro 3:9).

### ❖ Ang mga magtutuo sa Roma. Roma 15:14.

- Gidayeg ni Pablo ang pagtoo sa mga taga-Roma (Roma 1:8) ug tulo ka laing mga butang:
  - (1) Sila puno sa kaayo. Ang paagi sila nanagpuyo nagpamatuod sa gugma sa Dios.
  - (2) Sila mga puno sa kahibalo. Sila nagamot ngadto sa Biblia.
  - (3) Sila naqbinadlongay sa usa'g usa. Sila makadasig sa tagsatagsa ug napadasig sa uban.